



Sistemska podrška Evropske unije „Unapređenje rada na predmetima ratnih zločina u BiH“

Nadzorni organ za praćenje provođenja Revidirane državne strategije za rad na predmetima ratnih zločina

Nadzorni organ kao stručno tijelo Vijeća ministara BiH ima ulogu ključnog domaćeg partnera EU u realizaciji projektnih ciljeva. Projektna komponenta VSTV-a BiH pruža stručnu i administrativnu podršku u radu Nadzornog organa u aspektima vršenja nadzora nad provedbom Revidirane državne strategije.

Tokom 2023. godine održana su ukupno četiri sastanka Nadzornog organa. Kroz rad Nadzornog organa određeni su prioriteti postupanja sa preostalim predmetima ratnih zločina vodeći računa pri tome o postavljenim strateškim ciljevima i rokovima za njihovu realizaciju.

Nadzorni organ je putem Ministarstva pravde BiH uputio inicijativu Vijeću ministara BiH da pokrene proceduru izmjena i dopuna Revidirane državne strategije s ciljem produženja roka implementacije Strategije do 2025. godine.

Vijeće ministara BiH je donijelo Odluku o produženju roka provedbe strateškog cilja 1.2. Revidirane državne strategije za rad na predmetima ratnih zločina kojim se utvrđuje da će se do kraja 2025. godine procesuirati najsloženiji i najprioritetniji predmeti ratnih zločina pred Sudom BiH i Tužilaštvom BiH, a ostali predmeti pred pravosudnim organima entiteta i Brčko distrikta BiH.

Neriješeni KTRZ predmeti na dan 31.12.2023. godine


Tužilaštvo	KTRZ ¹		KTARZ ²	KTNRZ ³
	Predmeti	Lica		
Tužilaštvo BiH	247	2658	1038	244
Kantonalna tužilaštva	30	81	189	570
Okružna tužilaštva	44	140	288	516
Tužilaštvo Brčko distrikt BiH	1	1	2	72

¹ Konkretno krivično djelo i počinitelj – ratni zločin


² Neodredivo krivično djelo ili počinitelj – ratni zločin

³ Konkretno krivično djelo s nepoznatim počiniocem – ratni zločin

➡ Tužilačke odluke u KTRZ predmetima u periodu 01.01. – 31.12. 2023. godine



➡ Sudske odluke u predmetima ratnih zločina u periodu 01.01. – 31.12.2023. godine



Broj predmeta sa procesnom smetnjom, paralelno s brojem lica nedostupnih pravosuđu BiH, otežava ili čak onemogućava dalje krivično gonjenje. Bez obzira na registrovane pomake u prohodnijem funkcionisanju mehanizma regionalne saradnje u periodu od 2019. do 2022. godine, dinamika i dalje ne odgovara univerzalnim krivično-pravnim zahtjevima blagovremenog privođenja pravdi svih počinilaca ratnih zločina.


▶ Nedostupna osumnjičena lica na dan 31.12.2023. godine



▶ Nedostupna optužena lica na dan 31.12.2023. godine



▶ Procentualni prikaz – države u kojima se nalaze nedostupna osumnjičena lica u predmetima ratnih zločina, na dan 31.12.2023. godine





Sistemske mjere VSTV-a BiH usmjerene ka unapređenju efikasnosti i kvalitete procesuiranja predmeta ratnih zločina

- Redovni nadzor nad implementacijom relevantnih aspekata Revidirane državne strategije – u okvirima zakonske nadležnosti nad sudovima i tužilaštvima.
- Donošenje i nadzor nad primjenom Uputstva za izradu planova rješavanja RZ predmeta u tužilaštvima.
- Donošenje i nadzor nad primjenom Smjernica o obligatornom poštivanju odredbi Revidirane državne strategije – konkretizirana disciplinska odgovornost tužilaca.
- Koordiniranje procesa prenošenja manje složenih predmeta na entitetski/Brčko distrikt BiH nivo pravosuđa.
- Normiranje pravnog okvira kontrole priliva novih predmeta.
- Uspostava obligatornog modela upravljanja predmetima u tužilaštvima – razdvajanje i spajanje predmeta.
- Koordinacija konsolidacije baza podataka, uključujući ažuriranje podataka o licima Haške kategorije „A“, te Centralizovana evidencija pri Tužilaštvu BiH.
- Konkretizacija modaliteta i standarda vertikalne saradnje tužilaštava i policijskih agencija – deriviranje standarda postupanja SIPA-e po zahtjevima entitetskih tužilaštava.
- U saradnji sa projektom Misije OSCE-a u BiH „Praćenje ratnih zločina“, uspostavljena redovna platforma komunikacije i koordinacije odjela za podršku svjedocima.
- Provođenje opštih i specijalističkih edukacija za sudije, tužioce i advokate, te stručno osoblje sudova i tužilaštava.
- Osiguranje sistemskih pretpostavki održivosti kroz kontinuirano zagovaranje transfera stručnog osoblja finansiranog podrškom EU u okvire redovnih institucionalnih budžeta sudova i tužilaštava.



The Project is funded
by the European Union